

ORATIO^{d. 4} Anniversaria

I N

1184 *H*
5
Gratam Commemorationem Maximi
& Munificentissimi HARVEII, summo-
rumque Benefactorum :

Habita *Londini* in Theatro Cutleriano,
Sept. 13. An. Dom. 1683.

A Nathanaele Hodges, M.D. Col. Reg. Med.
Socio & Censore.



L O N D I N I,
Typis J. Playford, M. DC. LXXX. IV.

1194. 5 24

ORATIO^{d.4} Anniversaria

I N

Gratam Commemorationem Maximi
& Munificentissimi HARVEII, summo-
rumque Benefactorum :

Habita *Londini* in Theatro Cutleriano,
Sept. 13. An. Dom. 1683.

A Natbanaele Hodges, M.D. Col. Reg. Med.
Socio & Censore.



L O N D I N I,
Typis J. Playford, M. DC. LXXX. IV.



Lector Dignissime,

MEmoriâ & Voce ex improvîso deficientibus, ômninò aqum duxi Orationem hanc qualemcunq; typis dare; eligibilis quippe mihi omnia pensitanti videbatur Tanto Jûdici prostrare, quàm ullâ sub larvâ Humanitatem vestram effugere, aut vivacia Optimorum tot Virorum munera alto velut silentio obruere; quanquam me sepiùs oscitasse contigerit, obnixè precor, ut me non alios provocandi studio tale quid factitasse putes.

Munusculum hoc levîdensen si benè acceperis, Tu, meâ vice, dignior tamen, Benefactorum Encemias; si malè autem, me tertii delicti reum habes. Hoc interim levaminis, Te de futuro a molestiis bisce securum, & pingui otio fruiturum; ni forsan Prelectiones
sex

*sex Oxonii habitæ pro Doctoratûs gradu, tres
de Scorbuto, de Variolis cætera, excuderentur,
cum Observationibus selectis curriculo 28 an-
norum congestis.*

Vale.

Ex ædibus meis
ad Galli tor-
rentem, alias
~~Walbrook~~,
Sep. 27. 1683.

Tibi addictissimus

NATH. HODGES.

Infig-

Insignissime Praeses, Collegae Spectatissimi, Auditores Optimi:



OST Millingtoni, Charltoni, Rogeri, & Colini; post (inquam) Cl. tot Virorum Orationes sanè terribissimas, Et omnifariâ Eruditione refertissimas, Harveiana Encomia ad-amussim celebrantes; Quid precor a me expectetis? Hi quippe, nil dictu, nil observatu dignum pretermiserunt, Veniæ & Patientiæ vestræ admodum n frugi, ut meæ, jam utriusq; compoti tenuitati consulerent. Utcunque tamen illi omnia ad invidiam usq; prestiterint, mihi non protinùs lucumbendum, eò quod, uti Facundiæ, ita Harveij laudibus *NON ULTRA* minimè affixum. Intrepidus igitur vestrâ solùm Humanitate suffultus campum ingredior amplissimum, nec minùs amœnum, in quo expatiari, & Officii est, & Voluptatis.

Augustissimum Animæ Palatium jure merito censendum corpus humanum, pro summo cujus imperio omnia in totius commodum fidè administrari necesse, adeo ut nil Voluntati, aut Placitis obster. Illi quoties visum (Energia, vel à seipsâ nondum divulg-

divulgatâ) pro more, & nullo quidem negotio, Curæ, aut Delectamenti ergò, vel Indias petendi Orientales, & illicò Occidentales & à Borealibus mox ad Australes plagas transvolandi libertas, hæc; promptius longe cogitatu conficiendi, quam mandata exequatur alatus Cœli Nuntius, & confestim domum redeundi Privilegium, ad corporis regimen suscipiendum, ejus œconomix prospiciendum, ad quæcunq; demum prestandum in sanitatis, ac Vitæ tutamen, atq; conservationem.

Anima legis, preterquam suæ nescia, consultius signa dat, ut Caput, Manus, Pedes, & sortis cuiuscunq; commilitones, mandatam ornent provinciam, nèquid forè incuriâ Microcosmo detrimenti accidat : Ratione scilicet clavum tenente, En Juventus Florescens, Senectus sera, & immorbosa, Virtus bene habitans ad cœpta quæcunq; nobilia nunquam non parata. En Pietas Cœlo præstita D^{no}. Regi Fides immota, Patriæ Honos, Proximisq; Charitas. En deniq; vestigia gubernatricis in corpus altè impressa, diuq; hærentia

Quod si excussâ protinus disciplinâ, Sanitas tanti habita, apud omnes cuiuscunq; Gentis, Ætatis, Sexusve læsa vacillaverit, sive ob Legionum veteranorum defectiones, vel ob insanum plebis infimæ furorem; quid miri! bello sæviante intestino, Harmoniam unâ cum Astræi, nè discordiis premereur,

ad

ad Cœlum tanquam ad Asylum confugere? quandoquidem concultacis Naturæ legibus quidni Iucci corporis tumultuatim ebulliant! Fermento etiam venefico eos agitante, hinc lites exortæ, rapinæ, prodictiones, cunctaq; aperto Marte gesta in totius Fabricæ exitium, & ruinam.

Manus tandem Auxilatrix a Cœlo dilapsa opem fert, motus componit, jubetq; ut Humores modò effrœnes vel Proscriptione, Pœnitentiâ, vel Fascibus puniti, pacem redintegrentur, postmodum consentientes: ideopropter Medicina olim Sacra habebatur, ejusq; Adeptis, perindè ac Dijs Iplis Aræ solenniter extructæ; Utrisque nimirum Generi Humano beneficis, et Illud sospitare certatim æmulis.

Quò autem excurrit Oratio? quasi indultum mihi in porticu hære, aut trivijs feriari; Medicinæ Antiquitatem, Dignitatem, & Utilitatem omnino missas facio, quin et immensa Medicis data, vel a Barbaris, Solstra; nè hæc, aliaq; ejusmodi malè recitando, proh nimis injurius videar Viris profecto eximie doctis, a Quibus omnia hæc comptè, et laconicè haud ita pridem prolata, vestroq; Suffragio acclamata.

Verùm (Auditores Literatissimi) mihi hoc potius impræsentiarum Spartæ, viam scilicet spinosis utcunq; difficultatibus oblitam indigitare, per quam ad Medicinæ fastigium itur; sit fas tacere Literaturæ Encyclopædiam sedulò (barbâ genis nondum in-

crescente) percurrendam, Gradus Academicos in Philosophiæ Scholis, non sine opera, & oleo susceptos, ab Aristotele ad Coum, Galenum, & Medicorum Principes recto tramite progrediendum, volumina licet prolixissima iterum, atq; iterum volvenda, priusquam ad Praxin reapse tremendam accedendi copia, Vita nempe Humana de quâ agitur, summi quidem pretii, in maximo versatur discrimine, errorum fatalium semel tantum periculum subitura.

Ad præcavendum itaq; tam mali ominis incommoda, culter professorius quamprimum in manus traditur, eas ad plures usq; annos exercens, et fatigans: Præter corpora humana, Leo, Vulpes, Lupus, & nil Ferarum, Aquila, Struthiocamelus, Ardea cercules & nil Volatilium, Cete, canis maximus, Delphinus, & nil Piscium, Formica, aranea, Musca, & nil insectorum, cultri, vel acutiorum Anatomiæ aciem effugere queant, Democriti, veterumq; exemplo edocti, & Autoritate illorum dirigente quodammodo certi.

Exinde oculi in Viridaria, & plantas convertendi, quarum radices, Folia, flores, utiq; Semina lustrare, & à primo facie certò dignoscere, classes perspectas habere, Medico nè vix suffecerit, cui altiora paulò contemplari incumbit, & studiosius fiscitari; quoniam pacto, vi frigorum, hyemisq; solutâ & vernâ præ foribu luxuriatione, radices multum sitientes, tam
a plu-

a pluviis, quàm ab aquarum Scaturigine subterranearum, reſeratis fibrillarum ſerè imperviarum meatibus, aſſatim liquorem Nitro aculeatum imbibunt, qui per ductus caulium Meandricos tranſeunt & percolatus, ſubtilior aſſurgit, & defæcatus, in varios etiamnum uſus a Natura Statutos; conſimiliter ac per laneolum aqua velut hamatim ducta, & aſcendens: Hinc progerminatio geniculatim proveniens, Sole & Favonio obſetricantibus, hinc Flores è thalamis ſurrectim vocati & exungulati, amictu, pro plantarum varietate induti odorem ſimul ac Virtutem laſcivè profundentes, & Spargentes, in aeris noſtrumq; reſectionem, hinc Semina ultimo conamine elaborata, & capſulis occluſa, idæam plantæ ablaſtatam perpetuò retinentia.

Neq; pes hic ſiſtendus, eò quod ad Regna vel mineralia deſcendendum, Medico tam volupe, quàm ſummatim, perutile Jovem, Solem, Lunam, Martem, & Mercurium, iſſis Terræ penetralibus indagare & Vulcani miniſterio indicis fidi & Valentis ut ut obſcuras & ſecluſiſſimas virtutes, viresq; agnitas, & exploratas haberet, tum ut in Regnandi pruricum, tum ut in morbos vel proſſigatiſſimos commoda remedia parentur, attamen cautè admodum ægris, ſaltem in articulo mortis, porrigenda.

Quinetiam ad occultiora tranſire nos oportet, & ubicunq; terrarum orbis rerum Sympathias &
Anti-

Antipathias callere, protrusa magnetis effluvia, imperulq; Conjugales, Arcanum Sanguinis Indias orientales appulsi certo indice valetudinem exhibentis, Vini Generosissimi particulas sat, superq; volatiles Vindemiæ leges apertè monstrantes, & velut crescentes fidos Præcones.

Nè plura! Ars Caballistica, Ægyptorum Hieroglyphica, Tresmegisti Magnalia, Arabum, & Chaldorum cœsticata Scripta, mysteria etiam medicinalia Chinesium (si Fides) antiquissima, nec non eorum Curationes, & praxis in angiportis, Gebri Chymiam Ferè exoletam, Druidum Nostratium, & Brachmannorum Oracula, & quæcunq; id genus, postremò nil non in rerum natura, Medicum non sapere Imperantem decet; Cui porro haud aliud consultius, quàm in Medicinæ praxi errores, & imposturas detegere, illasq; penitùs odio habere, fictum Butleri lapidem, Autoniis fallax, si non perniciosum Aurum potabile, pulverem Antimonio Mercurialem pharmacorum sanè incertissimum, si nil atrocius, & guttas nil refert quas, Avernus eloquatur, Corticemq; Peruvianum instar Panacœæ a quibusdam Minervæ crassioris habitum in omnes, sine delectu, cum opio perpetim Consocio, morbos, vel deploratos, multa de his aliisq; dicerem, nisi Satyram evitavero

Ut redeam! plusquam sesqui Ætatis nostræ seriò impenditur, antequàm messis similiter canescens arri-
ferit,

serit, aut vellus Aureum tractare contigerit ; adeò ut Doctoratûs Insignia non sine longa Arte, sudoris diluvio acquisita, & consummata, praxeôs foelicitate deindè adornata, & cohonestata, ut auspicatò & ex fide Reipublicæ inserviat.

Extra jam Oleta longius paulò divagatus, ad hujus Diei pensum pro valde meo perficiendum, me accingo, ut ab ovo medicinæ exordiar Britannicæ. Inviçtissimo imprimis Regi Hen. 8. Fidei & Sanitatis itidem Defensori, & Conservatori, à Collegio nostro cujus fundator, gratiæ nunquam non annuatim solvendæ, a Principe Hoc vitam hausit Collegium, & multiplicia Privilegia: Infantiâ elabente tacito pede, vires & immunitates auctæ a Filiis Serenissimis, & Potentissimis, Maria, & Elizabetha Regina: Jacobus non solum modò Anglorum, sed & Literarum Rex, Societati Medicorum Londinensium ab Illo, & republicâ quàm bene merenti propensius indulgere dignatus est. Ipsius Filio, Carolo Primo, Cui nos devinctissimi Sacræ Cujus Memorix prono obsequio nos lubentissime presternimus, Qui proculdubio Collegio Huic, suo utiq; orbi, Benefaciendo nunquam non sibi par emicuisset, nisi proh facinus impium, inhumannum ! Flagitiorum acme, a nefariis & consceleratis Regicidis atrocitèr & barbarè trucidatus fuisset, quocum unà Pietas, Lex, Ipsa etiam medicina succubuère.

Tandem aliquandò publico gaudio juvenefcente, nuà cum Sceptro, etiam in nos Patrocininio Regali, in Filium Potentiſſimum Carolum Secundum (Cui ultra Neſtoreos Annos dies Halcyoneos cunctaq; Diademate clariora unamimitùs precamur) devolutum hereditariò Britannia Imperium, Sub Principis Maximi auſpiciis, uti ſole inaugurato, ita omnia, vel ad Senùm ſaltus impoſterùm Fauſta fore, & Divinam velut Manutenentiam, auguror.

Utinam, O utinam Clementiſſimo D^{no}. D^{no}. Regi, & Fratri Inviſtiſſimo, omnia ex æquo (Juſtitià vel cæcà ſcalam tenente) tranquilla, itidem & glorioſa : veruntamen cuivis obvium D^{num}. D^{num}. Regem Indulgentiſſimum, quarumcunq; adhuc ærumnarum & in ſempiternum (Cœlo adſtante) victorem, a nuperis horrendiſq; machinationibus, & nequiſſimâ conjuratione vix ſartum tectum. Gratulandum interea a nobis plurimum technas hæſce iniquiſſimas, ab Ætna Furiis & Inferis petitas, (numine dirigente) ſat maturè detectas, & Proditores haud impunè Legi traditos.

Gratulandum inſuper hodiè quòd Illuſtriſſimus Dux Eboracenſis, nulli, præterquam Marti, Secundus, Clarior Armis & Triumphis, vel Innatâ Serenitate, Oedopi ſit litem dirimere, idem auſpicatò evaſit malum.

Letan-

Letandum deniq; Nos Medicos, Regum, Principum, Magnatum, & Senatum delicias esse, & summopere orandum, ut Potentissimus D^{nus}. D^{aus}. Rex, Fraterq; Charissimus sanitate Divinâ, & Fœlicitate nunquam immutandâ fruantur.

Mihi autem ignoscite Observanti Lupum in fabula, uti Homines quidam Regicidium meditati, Majestati Cœlitûs datæ adversissimi, ita imitatorum, turpe pecus, Agyrtas volo, & Pseudochymicos, Medicinæ Monarchiam dente & unguibus impetere adnuntur, quorum numerus Clementiâ indies auctior, chartis ubicunq; loci parietes conspurcati, in Magistratus opprobrium : Sin minus grex hic peste atrocior, longè lateq; serpens, maturè supprimeretur, maximè verendum nè citius actum sit de Humano genere, impunitas quidem est velut peccandi Lex altera, & supinam exemplo vulgus sapit Disciplinam; certè hi officinas exuunt, artesq; viliores, opinantur in re Medica Servitute non opus esse Septennali, ob duo potissimum conspicui, ob crassam scilicet Minervam, frontemq; perfrictam : Hi (inquam) expeditiûs Medicastri, quam Faba attollat hylum, fungi prodeant, coquantur asparagi, aut Sigillum, mollitâ etiam cerâ, dictum factum practicandi licentiæ apponatur.

Utcunq; Præsidis Vigilantissimi curâ, & Censuræ concredita Authoritate, mulctari aliquot, & plures

plures detecti, omnes igitur cujuscunq; farinae Rebelles, idem porro maneat fatum.

His, aliisq; tam prolixus (Auditores Benevoli) veniam frustra rogarem, nisi ad manus, utinam ad linguam, magni habendum, & pergratissimum Summi Harveii Nomen, de Quo alii fusiùs, & insignitèr, ego paucis dicam: Si quid apud Vos Harveii Nostri ingenium Sublime, si quid industria vel difficillimos accuratè Solvens nodos, si quid insitus Animi Candor, si quid in D^{num}. Regem intacta fides, si quid deniq; ampla in Collegium hoc munificentia valuerint, etiam me hodierno die vel tacente, Harveii Panegyrim admodùm sentientes, ad vivum exprimate, plenoq; jam fluant, refluantq; Gratia Solennes.

Terras a Nautis luétuosâ sepè sepiùs navigatione, & frequenter fortuitò adinventas, haud multo pòst ignotas confitemur, Imperatorùm Victoriæ, & Lauri, Encomio non cedentes, plerumq; cum hostibus eâdem oblivione Sepulti jacent, Consilia Principum ardua & Cautelâ quâvis majora, non infrequenter irrita: At Fœlicissimum Harveii Inventum minimè Gentium inter deperdita numerabitur, eò quod Imperatores, Ducès, Consiliarii, omnesq; demùm mortales Illud (assero) Illud secum circumferunt, quamdiu flamma vitalis vigerit, & splendè micaverit.

Nè multis utar, Patronus noster Indole & modestiâ consentientibus, noluit, ut quiquam multâ licet lucernâ, & assiduiis partum laboribus (nè vel ipsa de causâ mortalibus aliquid improsperum & male foret) Cœlare, & Suo pectore velut incarcerare; quâ de causâ lucubrationes edidit certas, & limatissimas, ut quisq; Seipsum, multoq; magis, Harveium Sciret. Ingens sanè Viri animus avidè, vel totius Orbis expectationi Par, si non major. Valetne apud Vos conjectura? Ex animo constat Harveium non Scribendi pruritu Libros mandasse typis observationum serie locupletissimos, uti nec Anniversariam hanc instituisse Orationem gloriolæ ampullas, & Offam quærens, sed staterâ potius appensâ, Illum consultò voluisse, ut alii, Ejus exemplo animati, laudes jugiter participarent. Idcirco post obitum vivit Harveius, ut futuris Benefactoribus semper in Theatro plaudatur.

Si non piaculum grande haberetur, vosq; adstaretis meæ jam imprudentiæ Judices, apertè dicere, recessisse duntaxat Inclytum Harveium, non è vivis exiisse, quamdiu Cl: & Consummatissimi Viri Doctores, Georgius Entius, Carolus Scarburgius, utriq; Equites Aurati, adhuc superstites. Hic Parisianum dextrè, & pro more suo evicit, anso dienceps Antagonistarum nullo, Seni Eruditissimi, & Sagacissimi

cissimi Pacem serenam gloriámq; immortalem turbare.

Insignissimus quoq; Scarburgius, Auclater, in Scholis publicis Thesin Harveianam primus strenuè asseruit, Anatomicorum publice legentium Antesignanus & (ni multùm fallor) toto orbe viventium Senior, & Celeberrimus; nunc apud Nos Prælector Lomleianus. Qui non solummodò diu floreat in Harveii memoriam, sed ut omnibus cujuscunq; sortis, prodesse possit.

Quidni paucula dicam de musæo Harveiano cum Emporio unà incinerato, Cujus fundamenta Cl: Scarburgius jamdudùm posuit, & substruxit; Nullus dubitans, quin vel ab Illustrissima Harveii Familiâ, in summam Nominis gloriam, saltem ab aliis bonarum literarum Fautoribus, musæum altiùs perducendum fore, & damno amplius, & Augustius surrectorum.

Harveium presso pede sequitur Insignissimus Hamæus: Qui semper in amicitia Fideles, Vir siquidem Hic longævus Literarum, & Generositatis Dictator: Sin minus Commentaria Græca nondum edita, Sin minus Collegium sub hastâpositum ab Illo, re etiam deploratâ, restitutum; Sin minus pecuniæ, poculorumq; (Grassante nuperâ Peste) surreptorum, satis superq; Compensationis, Hamæi Nostri Animum expresse delineaverint. Collegii tamen Hujus structura ultra aleam elegans, & æterna, In Cujus Ædificium

ficiū nullum non movebat lapidem, præter Cœnacula opus intestinum; Quin & Agri, & Hereditamenta Testamento relicta, apertissimè, velut ex traduce virum referunt, judicantq; non satis a Nobis & Posteris collaudandum.

Alexandri, & Romanorum Trophæa, non sine multâ, & nimia ut plurimum cæde, Oppidorum, Civitatum, & Gentium frequentèr deletionè, empta, & acquisita, muscâ pariter triumphante: Verùm emeritus, & æternior Hamæus, sine ruinâ, & Sanguine, è contra tamen omnium quotquot Eruditione, Beneficiis & Amicitia Victor.

Hoc licet avulso, Patronus, Alter non deficit, attendite (si placet) magno Cutleri Nomi, circumspicite paulisper, & eodem vultu oculatim agnoscite, cujusnam Hoc Theatrum, profectò amplissimum, Conditoris autem nè vix capax; prorsus ut adulationis Scillam & Charybdin cautus evitem, ex animo loquor Ædificium. Hoc quo hodiè conventum Pectoris duntaxat esse Cutleriani Epitomen.

Quid quod in Hoc Loco, Muscas venari, papiliones splendidè tametsi amictas sequi, & agillimos pulicum Saltus observare, nil certè magis indecorum, à Rationis præsidio nil alienius: Apollinis reverà Hoc Templum, Pallidis Hospitium, Musarum utiq; tripudiantium Theatrum, Ingenia hic
acria

acria in arenam descendant, & manus oculatæ Officio pares; enimverò celebratâ quotannis Anatomia, Cerebrum cum vasorum quorumcunq; magno & vix satis cognito apparatu, Nervorum origine, liquore in Naturæ usus vitali turgentium, Linguae, Oculorum, & Aurium fabrica planè stupenda, & supra imitationis Conamen, usus eloquuntur, in conspectum veniunt, vestraq; procaciter ambiunt suffragia; Pulmones itidem cum Diaphragmate hic palam ventilantur, Hepar, Lien, & Cor Sanguinis Ex-cambium, cum p'urimis, non jam numerandis (uti ab Ingeniosissimo Charltono in nuperis Prelectionibus liquidò, & mechanicè monstratum) Hujus Theatri Cutleriani usus non suppressendos, supinam ferè acuentes industriam, universo orbi prædicant.

Cur quæsumus tanti in exteras Regiones trans-vehi? Omnia lustrare antiqua, & Vetustate prope-modum consumpta? Syllabum reportare Urbium, Montium, Sylvarum, Marium, aut Memorabilium ubivis loci occurrentium, cum abundè constet, quod Germania, Italia, Gallia, Hispania, Belgia, India, vel mare rubrum, intus, & in cute reperiantur, aditus tamen fere inexpugnabiles, & loca inventu difficilima, adire non sine itineratim longo dissectionum tædio. Tanti igitur Cutleri Beneficia, ut Illi potissimum debeamus Naturæ Arcana interpretandi licentiam,

centiam, simul ac admirandi: Vel Ipsius Harveii non cælanda Sanguinis circulatio, parùm proficua, nisi in ejus famam, multa; de futuro coram ostendendum, Theatrum Hoc Donatoris gloria, verbo venia, superbuisset.

Nec dum extincta Cutleri Generositas, amicitia vel Sacra suadente, Insignissimi, & Literatissimi Doctoris Whistleri omnia Collegio perquam fausta Operantis, summi quidem Benefactoris, & Patroni.

Eques Hic (Cutlerum volo) se non Regum Optimo Observantiam expressius palam facere existimat, quàm in Civium, omniumq; Hominum Sanitatem Regali Medicorum Collegio munificentia largiendo, perpetuum exemplar: Cujus impotens licet commemoratio, voci obicem poneret, (Auditores Ingeniosissimi,) nisi eodem silentio, quod ingratiſſimum, Memoria Illustrissimi Marchionis Dorcestrensis summè injurius viderer.

Marchio Hic Literis, Titulis, etiam Liberalitate admodum Conspicuus, Cœlis Idem; Vos interim optimè consultos, penes sit me calculum adjicere, an non Tanto Heroi Divo, & in gloriam laureatam Collegæ nostro adscito, & abundè compertum in Literarum Culturâ Majestatem latere, veræ insuper Nobilitatis

esse Scientiæ nunquam deflorescentis Coronâ indui.

Marchio demùm Hic (ut ad rem proximius) in Collegii Medicorum usum, & famam, haud Posterorum immemor, Bibliothecam suam nobis legavit, certè Libris instructissimam; èo (nec aliud suspicor) animo, se omnes benè admonitos voluisse, Artem Medicam, valdè difficilem, nequaquam acquirendam, Folia pauca Neotericorum vertendo, & Medicamenta tria fortassis, vel quatuor expiscando, in omnes quascunq; (Junone adjuvante) ægritudines: E contra autem, absq; dubio secum animo voluerit Vir Perspicacissimus, Authores, Veteres quotquot Sapientiæ Hæredes, permultùm legendos, ut Facultas Medica dehinc, uti pridem summa audiat, Phœnicis instar (Phœbo cineres animante) in æternum repullulans & juvenescens Professoribus doctis illam perennantibus.

Ut rem (sicut oportet) enarrem, Libri tot usq; innumerabiles Mulsæum ornent, atqui Vos iis incumbentes, Benefactorem. Non obscura loquor, incunabilium me pœnitet, mihi conscius, si modò tacuero Marchionis magnificum Pectus, Vestramq; (uti hodiè) Venerationem, absit ut hæc
Ego

Ego intra Orationis Hujus, Mearumq; admirationum Cancellos præfinirem.

Nec non Marchionis Filia, Tanti Patris Virtute Omnibusq; Filia D^{na}. D^{na}. Gratia, Dearum Altera, nobiscum habitans, Illustrior Excellentiis suis, quàm nostris Encomiis vos judicate verè Patrizzans, non nobis Colligenda Sybillæ folia, sed Patris Charissimi volumina omnia, quotquot Pia, in Parentem Cœlicolum Devotione tradidit; utinàm hodierno die ego tanti essem ingenii, & Eloquentiæ, Lapides, Ligna, & lateres movere, è quibus Musæum tam eximii capax muneris conflari possit: Attamen me hâc ex parte sterili, vel abortiente, Benefactorum multorum ope, saltem Vestrûm Symbolis, Ædificium condiaur (flammis licèt invidentibus) librorum tenax, ut nostra palàm sit in Marchionem, Angelorum Comitem, & Filiam Excellentissimam gratitudo.

Orationem Clausurus, absit, procul absit, ut Cl. Henrici Guy, Literaturæ Thesaurarii obliviscerer; in eunte ætate ingenii dotibus perquam Dives, liberalitate tamen Doctrinæ morem gerente: Vir Hic aliud Musæum paravit, quo omnia Naturæ, & Artis selectiora reposita, & ante oculos. Indignæ commemorationis vicem suppleat non immodesta, non protinùs nuda expectatio, Illum (uti decet: loqui

loqui) bonarum literarum, vel ab unguiculis Cultorem, aliam brevi anſam nobis daturum, pro imperio gratitudinis munera enarrandi, Cui, adhuc athletico, det Deus Collegii Ope, & Auxilio, Sanitatem integram, Sempiternam.

Præter dicta Capita, Aliorum Memoria non taceſſenda, nempe ARABELLÆ STUARTÆ, MARIÆ COMITISSÆ LINACRI, ATKINSI, GILBERTI, GULSTONII, FOXII, RHÆADI, MEVERILLI, PAGETTI, LANGHAMI, VINERI, TRIONI, GARRETTI, Aliorumq; longâ ſerie repetendorum.

Prudentiſſimo placuit HARVEIO, ut BENEFACTORUM Quorumcunq; Fama quotannis in medium prodiret inhumata; Illi etiam placuit, ut Stomachum nimis movente jejunâ Oratione Menſæ, ſtatim accumberemus lautiffimæ, utq; non tantum loqueremur Magna, ſed ſatiati viveremus.

Si non me loquacitatis nimix reum haberetis, ego paucis dicerem, quâ de cauſa, Patroni tot, Viriq; Munificentiffimi Collegio Huic favere dignati fuerint: Certè non, ut alienis conſpicui plumis jactabundi deobambularemus, non ut vivi, & videntes otio abſorberemur, quin potius ut Induſtria (inquam)
Induſtria

Industria ab Illis benè Cultra semper Frondescent, ampliorq; copia daretur Humani Generis longævitatē altiùs investigandi.

Majores nostri, diu, & athleticè valentes, Diatâ (ut aiunt) simplici, facilè parabili, & parcâ, contenti, (modò quibuldam fides) pane, Sale, & aquâ famem sitimq; sedabant, saltem fructus, Herbas, radices, & sponte nascentientia depascebant, ab Avibus frequenter, & Feris vivendi, & medicandi methodum mutuati, Uxores rarò duxere ante expletos 40 annos, laboribus vel improbis assueti, & ad Illos nervosè sustinendos paratissimi, ità ut Eucrasîâ obtinente, ipsum Senectutis morbum, Firmis Naturæ viribu tardare, & diu oppugnare potuerint, Vitâ potius Humidi Radicalis longâ absumptione, cutis corrugatione, quiete Artubus emeritis conciliatâ, exeunte non extinctâ.

Luxuriâ autem ingruente, mortales animo, simili ac corpore, valerudinarii; gula nimirum, Sux necis & ruinæ avidissima, omnia appetit, devoratq; palato gratissima: Mare, Fluvii, Horti, Vineta ferè exhausta, ut stomacho & Palato literetur; Hi enim delicatuli, opiparè indies victitare ambiunt, Mercatorum instar, quascunq; circumvehunt & vānantur plagas, nequid desideretur gustum inescans, Cernere

est hæud infrequentè in patinis tribus, aut quatuor, Universi epitomen, præter condimenta, pro quovis mense, varia, atq; varia, immò (uti accepi) pro singulo die excogitata.

Hinc morborum exercitus omni ex parte Epicurum adoritur, sive insidias struendo, sive cominùs dimicando: Hinc itaq; in Arcis tutamen, Medicorum omne studium, & excubiæ Hosti inducias non concedentes; hinc in Pharmacopæis Medicamentorum densa acies, vim vi repellere ausa, valensq; tam Marte, quam Mercurio, acritèr pugnatum pro aris & focus: Adeò ut Longævitas non tantum Naturæ, Cui succurritur, sed potissimùm, nunc dierum, Medicæ Arti debeatur.

Tandem aliquando (Auditores Benignissimi) invehor ex alto in portum longè Optatissimum, velis utcunq; laceris, & tantùm non immerfis: equidem lubentissimè fateor, me tum in CONSULTISSIMUM PRÆSIDEM à Collegio, & omnibus optimè merentem, & meâ saltem eloquentiâ superiorem, in Vos Medicinæ Patres, tum deniq; in ipsos Patronos gravitèr peccasse; Quibus hodiè (Vestrâ Authoritate) Gratias agendo impar fui; utcunq; me persuasissimum habeo, Oratione jam expirante, Vos, etiam Vos, Multosq; Alios, citissimâ in Benefactores Sympa-

Sympathiâ iisdem, politioribus tamen, Encomiis
 brevi insigniendos fore. En mihi ante oculos Viri
 plurimi, nummorum vi affluentes, in BENEFAC-
 TORUM ALBO inscribendi, Intuemini (pre-
 cor) novilibri folia Vestris Nominibus Dicata.

Postremò, nil aliud optatius, quam ut omnia a
 nobis gratè peragantur in IMPERII ANGLICI
 tranquillitatem Sempiternam, Reipublicæ commoda,
 diuturnam Societatis Nostræ, etiam & Medicinæ,
 Dignitatem.

D I X I.

*Errata Typographica quotquot Calamus corrigit Oratoris
 una litura.*

Epist. lin. 3. æquum. p. 2. l. 18. præstita. 3. 2. conculcatis. 4. 15. cærulea.
 5. 22. habere. 6. 9. corticata. 18. Antonii. 7. 22. suo. 8. 5. unanimis.
 9. 19. opinantes. 11. 8. avidæ. 25. auso. 26. Senis. 13. 4. indicantque.
 14. 25. nondatur. 15. 21. dele me.